

**Ni Presidente
Henry B. Eyring**

Umuna a Mammagbaga iti
Umuna a Pangulu



Bigbigen, Laglagipen, ken Pagyamanan

Kidkiddawen ti Dios nga agyamantayo Kenkuana kadagiti ania man a parabur nga aw-awatentayo manipud Kenkuana. Nalaka kadatayo a dagdagullitentayo kadagiti kararagtayo ti panagyaman, masansan nga ulit-ulitentayo dagiti isu met la a balikas ngem awan ti panggeptayo nga agyaman a kas naimpusuan a sagut iti Dios. Nasken nga “agyamantayo . . . iti Espiritu” (DkK 46:32) tapno mariknatayo ti pudno a panagyaman iti naitednan kadatayo.

Kasano a malagiptayo uray ti maysa a kapaset laeng ti amin nga inaramidnan para kadatayo? Insurat ni Apostol Juan no ania ti insuro ti Mangisalakan kadatayo maipapan ti maysa a sagut ti pananglaglagip a sumangbay babaen ti sagut ti Espiritu Santo: “Ngem ti Mangliwliwa, ti Espiritu Santo, nga ibaonto ni Ama iti naganko, isu isuronanto kadakayo dagiti amin a banag, ket ipalagipnanto kadakayo dagiti isu amin a banag, nga imbagak kadakayo” (Juan 14:26).

Ti Espiritu Santo ti mangipalpalagip kadatayo iti no ania ti insuron ti Dios kadatayo. Ket maysa kadagiti wagas nga isursuro ti Dios kadatayo ket adda kadagiti paraburna; ket ngarud, no pilientayo ti mamati, ipalagipto ti Espiritu Santo dagiti kinasayaat ken kinaimbag ti Dios.

Mabalinyo a padasen dayta iti kararag ita nga aldaw. Mabalinyo a suroten ti bilin nga “Agyamankayo iti Apo a Diosyo iti amin a banag” (DkK 59:7).

Insingasing ni Presidente Ezra Taft Benson (1899–1994) a ti kararag ket mangpamuay iti oras a panangaramid iti dayta. Kinunana: “Kinuna ni Propeta Joseph Smith iti maysa a gundaway a maysa kadagiti kadagsenan a basol a pagbasolan dagiti Santo iti Ud-udina nga aldaw ket ti basol ti kinainggrata wenno kinaawan panagyaman. Mamatiak a kaaduanna kadatayo ti saan a mangipagarup iti dayta a kas maysa a nadagsen a basol. Adda dakkel nga ayo para kadatayo kadagiti kararagtayo ken kadagiti ararawtayo iti Apo nga agkiddaw kadagiti nayon pay a parabur. Ngem no dadduma mariknak a kasapulantayo ti agkararag iti ad-adu pay a pangipeksaantayo iti panangbigbig iti pateg ken panagyaman kadagiti parabur a naawattayon. Nakaad-adu dagiti paraburtayo.”¹

Mabalin a maaddaankayo met iti kasta a padas ita babaen ti Espiritu Santo. Mabalinyo a rugian ti kararagyo nga agmaymaysa babaen iti panagyaman. Mabalinyo a rugian a bilangen dagiti paraburyo ket kalpasanna agsardengkayo iti apagkanito. No usarenyo ti pammatiyo, babaen ti sagut ti Espiritu Santo, matakuatanyonto a mapnonto ti panunoty kadagiti lagip maipapan kadagiti dadduma pay a parabur. No rugianyo nga ipekta ti panagyaman para iti tunggal maysa kadagitoy a parabur, mabalin a napapaut pay bassit ti kararagyo ngem iti gagangay. Addanto pananglagip, ken kasta met nga addanto panagyaman.

Mabalinyo a padasen met ti kastoy no agsuratkayo iti journalyo. Tinulonganen ti Espiritu Santo dagiti tao iti dayta manipud pay iti punganay ti panawen. Malagipyo a kuna ti libro ni Moises, “Ket naidulin ti libro a pakalaglagipan, a nakaisuratan, iti pagsasao ni Adan, ta naited kadagiti amin a nagkiddaw iti Dios babaen ti espiritu ti pammaregta” (Moises 6:5).

Inlawlawag ni Presidente Spencer W. Kimball (1895–1985) dayta a proseso ti naparegta a sinurat: “Dagiti agim-imet iti libro a pakalaglagipan ket ad-adda a manglaglagip iti Apo iti inaldaw a panagbiagda. Dagiti journal ket maysa a wagas a pangbilangnan kadagiti paraburtayo ken pangibatian iti maysa a pakasaritaan maipapan kadagitoy a parabur tapno basaen dagiti kapuonantayo.”²

Bayat ti panangrugiyoy nga agsurat, mabalinyo a saludsoden ti bagiyo, “Kasano a pinaraburannak ti Dios ken dagiti ipatpategko ita nga aldaw?” No masansan nga aramidenyo dayta ken addaan iti pammati, matakua-tanyonto mismo a malaglagipyon dagiti parabur. Ket no dadduma malagipyonto dagiti sagut a saanyo nadlaw kabayatan ti aldaw ngem kalpasanna maammuanoyonto a dagitoy ti impluensia ti Dios iti bagiyo.

Sapay koma ta agtultuloy nga ikarigatantayo a sipa-pammati ti mangbigbig, maglaglagip, ken pagyamanan no ania ti inaramiden ken ar-aramiden ti Nailangitan nga Amatayo ken ti Mangisalakantayo a manglukat iti dalan nga agsubli Kadakuada.

DAGITI NAGADAWAN

1. Ezra Taft Benson, *God, Family, Country: Our Three Great Loyalties* (1974), 199.
2. Spencer W. Kimball, “Listen to the Prophets,” *Ensign*, Mayo 1978, 77.

PANANGISURO MANIPUD ITI DAYTOY A MENSAHE

Iti mensahena, aw-awisennatayo ni Presidente Eyring a manglagip kadagiti kinasayaat ken kinaimbag

ti Nailangitan nga Ama kadagiti kararagtayo. Ilawlawagyo kadagiti sursuruanyo no kasano a makatulong kadatayo a mangbigbig iti impluensia ti Dios iti biagtayo ti panagkararag nga addaan panagyaman. Ibilangyo ti panagparintumeng a makipagkararag kadagiti sursuruanyo ket isingasingyo iti mangisao iti kararag nga ipeksana laeng ti agyaman.

Mabalinyo pay nga adalen ti kinapateg ti panagyaman babaen ti panangbasa kadagitoy a bersikulo kas pangnayon kadagiti bersikulo a dinakamat ni Presidente Eyring: Salmo 100; Mosiah 2:19–22; Alma 26:8; 34:38; Doktrina ken Katulagan 59:21; 78:19; 136:28.

AGTUTUBO

Agurat iti Pakasaritaan

Inaldaw ni Presidente Eyring ti sao ni Presidente Spencer W. Kimball (1895–1985) kas panagkunana a dagiti journal ket maysa a wagas a pangbilangnan kadagiti paraburtayo ken pangibatian iti pakasaritaan maipapan kadagitoy a parabur tapno basaen dagiti kapuonantayo.” Iti sapesap a komperensia idi Oktubre 2012, impaneknek ni Presidente Thomas S. Monson maipapan iti panagsurat iti journal. Imburayna ti sumagmamano a padas manipud iti biagna, nga innayonna ti “Ti inaldaw a journalko, a naisurat iti unos dagitoy a tawen, ket nakatulong kaniak a nangipaay ti sumagmamano a nalawag a pasamak a kasla diak koma kabaenanen a lagipen pay.” Imbalakadna, “Isuratyo ti pakasaritaan ti bagiyo ket silalawag a sapulenyoy dagiti parabur, dadakkel ken babassit, a naawatyon” (“Consider the Blessings,” *Liahona* ken *Ensign*, Nob. 2012, 86). Itrabaho ti panangsurot iti balakad dagitoy a propeta ket mangituding kadagiti panggep a tun-oyen nga isurat iti journalyo.

Adu a Wagas a Panangisao iti Agyamanak Kenka

*“Iti sangalubongan iti gibus ti aldaw,
Agkararag dagiti annak ti Nailangitan nga Ama,
Agyamanak kenka kuna ti tunggal maysa.”*

“Children All Over the World,” Children’s Songbook, 16.

Usaren ti maysa a mapa a mangilasin iti naduma-duma a pagilian a pangisaw-an kadagitoy a lengguahe. Sumagmamano kadagitoy a lengguahe ti maisao iti nasurok ngem maysa a pagilian!

1. gracias (Español)
2. malo (Tongan)
3. thank you (Ingles)
4. shukriyaa (Hindi)
5. spaseba (Russian)
6. arigatō (Japanese)
7. obrigado (Portuguese)
8. asante (Swahili)
9. merci (French)



Pammati • Pamilia • Tulong

Welfare

Sikakararag nga adalenyo daytoy a material ken, no maitutop, ilawlawagyo daytoy kadagiti kakabsat a babbai a sarungkaranyo. Usarenyo dagiti saludsod a mangtulong kadakayo a mangpapigsa kadagiti kakabsatyo a babbai ken mangaramid iti Relief Society nga aktibo a paset ti bukodyo a biag. Para iti ad-adu pay nga impormasion, mapan iti reliefsociety.lds.org.

Dagiti panggep ti welfare ti Simbaan ket tumulong kadagiti miembro nga agpannurray iti bukodda a kabaelan, agaywan kadagiti marigrigat ken agkasapulan, ken mangted iti serbisio. Ti welfare ket maisentro iti aramid ti Relief Society. Insuro ni President Henry B. Eyring, Umuna a Mamagbaga iti Umuna a Panguluhen:

“Nangipaayen [ti Apo] manipud pay idi punganay ti panawen kadagiti wagas a pakatulungan dagiti disipulona. Inawisna dagiti annakna a mangted-pateg wenno mangkon-sagrar iti panawenda, iti kinabak-nangda, ken iti bagbagida tapno makikaysa Kenkuana iti panagserbi kadagiti dadduma. . . .

Inawis ken binilinnatayo a maki-raman iti aramidna a mangitag-ay kadagiti agkasapulan. Agaramidtayoy iti katulagan nga aramidentayoy dayta kadagiti danum ti panag-buniag ken kadagiti nasantuan a templo ti Dios. Pabaruentayoy ti katulagan kadagiti Domingo no makiranudtayoy iti sakramento.”¹

Babaen ti panangiturong ti bishop wenno branch president, tumulong dagiti lokal a dadaulo iti naespirituan ken naindagaan a pagimbagan. Dagiti gundaway a pakapagserbian iti masansan ket

mangrugi kadagiti visiting teacher nga agkalikagum iti pammaregta tapno maammuan no kasano a sungbatan dagiti kasapulan ti tunggal babai a sarungkaranda.

Manipud kadagiti Nasantuan a Kasuratan

Lucas 10:25–37; Santiago 1:27; Mosiah 4:26; 18:8–11; Doktrina ken Katulagan 104:18

Manipud iti Pakasaritaantayoy

Idi Hunio 9, 1842, binilin ni Propeta Joseph Smith dagiti kakabsatna a babbai iti Relief Society a “mang-pagin-awa kadagiti napanglaw” ken “mangisalakan kadagiti kararua.”² Dagitoy a panggep a tun-oyen ket adda pay laeng iti sentro ti Relief Society ken maipeksa iti pagsasao-tayoy a “Ti ayat saan a maibus uray kaano” (1 Taga Corinto 13:8).

Ti maikalima a sapaap a presidente ti Relief Society, ni Emmeline B. Wells, ken dagiti mamagbagana ti nangirugi iti daytoy a pagsasao iti 1913 kas palagip kadagiti pangbangon a pagbatayan: “Ipakdaarmi daytoy ti panggepmi a . . . [mangpetpet] a naimbag kadagiti naparegta a pannursuro ni Propeta Joseph Smith idi impalgakna ti plano a pakabilgan dagiti babbai

babaen ti panangawag iti priesthood a magrupogrupoy kadagiti mayanna-tup nga organisasion para iti panggep ti panagserbi kadagiti masakit, panagtulong kadagiti agkasapulan, panangliwliwa kadagiti babbaket ken lallakay, panangballaag kadagiti awan annadna, ken panangtulong kadagiti ulila.”³

Iti agdama addaan ti Relief Society iti sapaap nga impluensia kabayatan ti panangiburay dagiti kabsat a babbai iti ayat wenno asi, ti natarnaw nga ayat ni Cristo, kadagiti padada a tao (kitaen iti Moroni 7:46–47).

DAGITI NAGADAWAN

1. Henry B. Eyring, “Opportunities to Do Good,” *Liahona* ken *Ensign*, Mayo 2011, 22.
2. Joseph Fielding Smith, iti *Daughters in My Kingdom: The History and Work of Relief Society* (2011), 63.
3. *Daughters in My Kingdom*, 63.

Ania ti Maaramidko?

1. Kasano nga agsagsaganaak a mangaywan iti bagik ken iti pamiliak a naespirituan ken naindagaan?
2. Kasano a masurotko ti pagwadan ti Mangisalakan bayat ti panangtulongko a mangipaay iti kasapulan dagiti kabsat a babbai nga ay-aywanak?